



**Sámi
allaskuvla**

OAHPPOPLÁNA

Strategalaš gulahallama vuogit sámi ealáhusaid dáfus

30 oahppočuoggá

1. OAHPPOOVTTADAGA NAMMA

Strategalaš gulahallama vuogit sámi ealáhusaid dáfus
Strategisk kommunikasjonsmetoder i samiske næringer
Strategic communication methods in Sámi industries

2. OPPALAŠ DIEĐUT OAHPU BIRRA

- OAHPPOOVTTADAGA KODA SER 105
- VIIDODAT 30 oahppočuoggá
- OAHPU LÁGIDEAPMI Neahttdoarjjaoahpahuš: Oahpus leat sihke fysalaš oahppodeaivvadeamit Sámi allaskuvllas, ja neahttaoahpahuš. Fysalaš deaivvademiide dábálaččat ii leat vejolaš searvat neahta bokte.

3. OAHPPOPROGRÁMMA GULLEVAŠVUOHTA

Oahppoovttadat lea válljenmuni doarjjafága Boazoealáhusa bachelorprográmmas.

4. SISABEASSANGÁIBÁDUSAT

Dábálaš sisabeassangáibádusat alitoahpahušii. Sisabeassanvuodđu sáhtá leat juogo oppalaš lohkelbballašvuolta (čadahan joatkkaskuvlla/logahaga/gymnása) dahje reálagelbballašvuolta.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuolta man dási gelbbolašvuolta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. OAHPAHUSGIELLA

Oahpahuš lágiduvvo dábálaččat davvisámegillii, muhto sáhtá muhtun logaldallan dáro- dahje ruoŋagillii dehe engelasgillii. Oahpahuš engelasgillii ii dulkojuvvo. Eará gielaid oahpahuš dulkojuvvo dárbbu mielde.

6. SISDOALLU

Oahppu addá álgomáhtu strategalaš gulahallamis. Studeanta oaidná strategalaš kommunikašuvnna doaimma mearkkašumi sámi ealáhusaide, go ealáhusaid ovddasteaddjit oassálastet konsultašuvdnii dahje industriála ovdánahttinprošeavttaid, omd. bieggafámu ja ruvkedoaimmaid plánemii. Oahppu

ovdánahtta studeantta ipmárdusa ja máhtuid gulahallanproseassain. Studeanta oahpásnuvvá strategalaš gulahallama guovddáš sáhkafáttáide ja reaidduide. Dasa lassin oahppá daid heivehit konsulteren- ja oassálastinproseassaide (participation) main sámi ealáhusat leat fárus. Dán oahpus studeanttat guorahallet strategalaš gulahallama guovddáš beliid. Dasa gullá, mot strategalaš gulahallamiin lea vejolaš váikkuhit almmolaš ságastallama ja buktit sámi ealáhusaid beliid oidnosii mearridanproseassain. Studeanta máhtta moaitevaččat árvvoštallat ja guorahallat konsulteren- ja oassálastinproseassaid strategalaš gulahallama hárrái.

7. OAHPPANJOKSOSAT

Maŋŋel čađahuvvon oahpu galgá kandidáhtta olahan čuovvovaš oahppanjoksošiid:

Diehtu:

Studeanta

- dovdá strategalaš gulahallama funkšuvnna organisašuvnnaide
- dovdá strategalaš gulahallama guovddáš sáhkafáttáid, dego ulbmiljoavkku teoriija (*stakeholder theory*), fierpmádathuksema (*networking*), lobbema (*lobbying*) ja fáttáid áicama (*monitor*) ja diehtá mo heiveha daid sáhkafáttáid unnebuš gulahallanvugiid plánemii
- dovdá strategalaš gulahallama guovddáš reaidduid, nugo rámma ásaheami (*framing*)
- diehtá mo reaidduid heiveha gulahallama árvvoštallamii ja gulahallanvugiid plánemii
- diehtá mo sáhtta ovdanbuktit sámi ealáhusaid oainnuid ja beliid oidnosii almmolaš ságastallamis ja mearridanproseassain
- dovdá vuođuid dasa, makkár strategalaš funkšuvdna gulahallamis lea sámi ealáhusaide buktit oidnosii iežaset beliid ja oainnuid
- ipmirda gulahallama gaskal iešguđet ulbmiljoavkkuid

Máhttu:

Studeanta

- máhtta árvvoštallat, analyseret ja plánet unnebuš gulahallanproseassaid ja -vugiid
- máhtta analyseret relašuvnnaid gaskal sámi ealáhusaid ja eará ulbmiljoavkkuid

Obbalaš gelbbolašvuohta:

Studeanta

- máhtta hábmet gulahallangažaldagaid, ja árvvoštallat ja guorahallat gulahallanproseassaid
- lea huksen ipmárdusa dan hárrái, mo strategalaš kommunikašuvnna immateriála bealit produserejit materiála lassiarvvu sámi ealáhusaide, ja earenoamážit boazoealáhussii

8. OAHPAHAN- JA OAHPPANVUOGIT

Oahpahuš lágiduvvo logaldallamin, individuála bargun, joavkobargun/seminárabargun/rollaspeallun (hárjehallan), ja čuovvovaš studeantaságastallamin, ja oahpaheadji bagadallamiin dien olis ja muđui bagadallansemináran.

9. GÁIBÁDUSAT BEASSAT EKSÁMENII

Ovdal beassá eksámenii, studeanta galgá:

- Searvan deaivvadeimiide ja neahttaoahpahussii, unnimusat 80 %.
- Čađahan 5 unnebuš barggu iešguđetge gulahallanproseassaid birra. Guhtege bargui studeanta čađaha:
 - o 1–2 siidosáš čálalaš barggu semináras ja/dahje rollaspealus
 - o 0,5-1 siiddu metodaraportta
 - o 3-minuhtasaš ovdanbuktima bagadallansemináras
- Čađahan ovttá stuorát barggu ovttá gulahallanproseassa birra, mas oktii geassá buot ovdal namuhuvvon unnebuš bargguid. Dat lea sullii 10-siidosaš čálalaš bargu, man birra studeanta doallá 10-minuhtasaš ovdanbuktima bagadallansemináras.

10. EKSÁMEN

Ruovttueksámen mas studeanta joatká dainna seammá stuorát bargguin, mii lea gáibádussan beassat eksámenii. Dat lea refleksuvdnačálus, mas studeanta ovdanbuktá ovttá iešválljejuvvon gulahallanproseassa dahje -vuogi, ja pláne dan álggus gitta lohppii. Studeanta reflektere gulahallanplána sihke lohkanmeari ja iežas vásáhusaid ektui. Studeanta geavaha dan barggus ovdal namuhuvvon strategalaš gulahallama sáhkafáttáid ja reaidduid. Vástádusa guhkkodat lea gaskkal 15-20 siiddu.

Eksámenbargu árvvoštallojuvvo ECTS-vuogádaga árvosániid mielde, mas buoremus árvosátni lea A ja vuolimus ceavzinárvosátni lea E. F-árvosátni mearkkaša ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

li leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.